

13

社121
673
部五:68



文獻通考卷第二百六十六



公輸鄱奉陽之書馬曰端服臨節且貴之與著其

不封建考四

舉以春秋列國傳授本末事跡

思味隨忠

隨姬姓侯爵地在義陽隨縣今隨州

王侵隨使遠章求成焉

少師董成

東也我則使然我張吾三軍而被吾甲兵以武臨之彼

則懼而協以謀我故難間也漢東之國隨為大隨張必

棄小國小國離楚之利也少師侈請羸師以張之熊率
且比曰季梁在何益鬬伯比曰以爲後圖少師得其君
王毀軍而納少師少師歸請追楚師隨侯將許之季梁
止之曰天方授楚楚之羸其誘我也君何急焉臣聞小
之能敵大也小道大淫所謂道忠於民而信於神也土
思利民忠也祝史正辭信也今民餒而君逞欲祝史矯
舉以祭詐稱功德以欺鬼神也公曰吾牲牷肥腍粢盛豐備何則
不信對曰夫民神之主也是以聖王先成民而後致力
於神故奉牲以告曰博碩肥腍謂民力之普存也謂其
畜之碩大蕃滋也謂其不疾疫蠹也謂其備腍咸有也

謂民力適完則六畜既大而滋皮毛無疥癩兼備無所缺也奉盛以告曰潔粢豐盛

謂其三時不害而民和年豐也奉酒醴以告曰嘉栗旨
酒謂其上下皆有嘉德而無違心也所謂馨香無譏慝
也故務其三時修其五教親其九族以致其禋祀於是
乎民和而神降之福故動則有成今民各有心而鬼神
乏主君雖獨豐其何福之有君姑修政而親兄弟之國
庶免於難隨侯懼而修政楚不敢伐八年隨少師有
寵楚鬬伯比曰可矣讎有釁不可失也夏楚子合諸侯
于沈鹿黃隨不會使遠章讓黃楚子伐隨軍於漢淮之
間季梁請下之弗許而後戰所以怒我而怠寇也少師

謂隨侯曰必速戰不然將失楚師隨侯禦之望楚師季

梁曰楚人尙左君必左君楚王也無與王遇且攻其右右無

良焉必敗偏敗衆乃攜矣少師曰不當王非敵也弗從

不從季戰於速杞隨師敗績隨侯逸鬪丹獲其戎車與

其戎右少師秋隨及楚平楚子將不許鬪伯比曰天去

其疾矣謂少師見獲而死隨未可克也乃盟而還莊公四年

楚武王荆尸授師子焉以伐隨尸陳也荆亦楚也更為楚兵陣之法子者戟也

楚始於此參將齊謂授兵於廟入告夫人鄧曼曰余心蕩鄧

曼歎曰王祿盡矣盈而蕩天之道也先君其知之矣故

臨武事將發大命而蕩王心焉若師徒無虧王薨於行

國之福也王遂行卒於櫛木之下令尹鬬祈莫敖屈重

除道梁澆營軍臨隨隨人懼行成時祕王喪故為奇兵更開直道澆水在義

陽厥縣西東南入鄖水梁橋也隨人不意其至也故濯而行成莫敖以王命入盟隨侯

且請為會於漢汭而還濟漢而後發喪楚武王卽位

之三十五年伐隨隨曰我無罪楚曰我蠻夷也今諸侯

皆為叛相侵或相殺我有敝甲欲以觀中國之政請王

室尊吾號隨人為之周請尊楚王室不聽還報三十七

年楚熊通怒曰吾先鬻熊文王之師也早終成王舉我

先公乃以子男田令居楚蠻服皆率服而王不加位我

自尊耳乃自立為武王與隨人盟而去於是始開濮地

而有之五十一年周召隨侯數以立楚為王楚怒以隨

背已伐隨武王卒師中而兵罷按此史記楚世家所紀

左傳所紀莊公四年是也左傳不言楚脇隨請於周而自尊之說今錄之以廣異聞僖公三十

年隨以漢東諸侯叛楚冬楚鬬穀於荊帥師伐隨取成

而還定公五年吳破楚入郢鬬辛與其弟巢以楚王

奔隨吳人從之謂徐人曰周之子孫在漢川者楚實盡

之天誘其衷致罰於楚而君又竄之周室何罪君若惠

顧周室施及寡人以獎天衷君之惠也漢陽之田君實

有之楚子在公宮之北吳人在其南子期似王昭王兄

也公子結逃王而已為王曰以我與之王必免隨人卜與之不

吉乃辭吳曰以隨之僻小而密邇於楚楚實存之世有

盟誓至於今未改若難而棄之何以事君執事之患不

唯一人楚王若鳩楚竟敢不聽命鳩集吳人乃退鑪金

初宦於子期氏實與隨人要言要言毋以王與王使見

之王喜欲引見辭曰不敢以約為利約為要王割子期之

心以與隨人盟不可曰昔命無類

鄭晉士燮鄭子會言外戰也以其事吳好也

鄭贏姓子爵地在今淮陽軍有古郟城宣公四年魯

公及齊侯平莒及郟莒郟二國有宿怨莒人不肯魯伐

莒取向成公七年吳伐郟郟成季文子曰中國不振

乾隆十二年校刊

旅蠻夷入伐而莫之恤

振整也旅衆也

無弔者也夫

言不能相愁恤也

詩曰不弔昊天亂靡有定其此之謂乎有上不弔其誰

不受亂

上謂霸王

吾亡無日矣君子曰知懼如是斯不亡矣

九年晉士燮聘于魯言伐邾也以其事吳故魯賂之

使緩師范文子不可曰君命無貳失信不立禮無加貨

事無二成

公私不兩成

君後諸侯是寡君不得事君者燮將

復之季孫懼使宣伯帥師會晉人齊人邾人伐邾

公七年邾子來朝始朝公也昭公十七年邾子來朝

魯公與之宴昭子問焉曰少皞氏鳥名官何也邾子曰

吾祖也我知之昔者黃帝氏以雲紀故爲雲師而雲名

炎帝氏以火紀故爲火師而火名共工氏以水紀故爲

水師而水名大皞氏以龍紀故爲龍師而龍名我高祖

少皞摯之立也鳳鳥適至故紀於鳥爲鳥師而鳥名鳳

鳥氏司歷也元鳥氏司分者也伯趙氏司至者也青鳥

氏司啟者也丹鳥氏司閉者也祝鳩氏司徒也鳴鳩氏

司馬也鴈鳩氏司空也爽鳩氏司寇也鷓鳩氏司事也

五鳩鳩民者也五雉爲五工正利器用正度量夷民者

也九扈爲九農正扈民無淫者也自顓頊以來不能紀

遠乃紀於近爲民師而命以民事則不能故也

言黃帝以來受

命皆有雲火水龍鳳之瑞故就以名官仲尼聞之見於

乾隆十二年校刊

文獻通考卷三 封建四

鄰子而學之既而告人曰吾聞之天子失官學在四夷

猶信孫然改爲只而命以只車頭不論效也

虞虞公之弟

虞姬姓公爵出自太王子仲雍生季簡季簡生叔達叔

達生周虞仲章及武王克商求太伯仲雍之後得周章

已爲吳君別封其弟虞仲於周之北地在故夏墟河東

太陽縣今陝州平陸縣有虞城桓公十年初虞叔有

玉虞公之弟虞公求旃弗獻既而悔之曰周諺有之匹夫無

罪懷璧其罪吾焉用此其以賈害也乃獻又求其寶劍

叔曰是無厭也無厭將及我遂伐虞公故虞公出奔共

池僖公二年晉荀息請以屈產之乘與垂棘之璧假

道於虞以伐虢公曰是吾寶也對曰若得道於虞猶外

府也公曰宮之奇存焉宮之奇虞之忠臣對曰宮之奇之爲人

也懦而不能強諫且少長於君君暱之雖諫將不聽乃

使荀息假道於虞曰冀爲不道入自顛軫伐鄭三門前

冀伐虞至鄭鄭虞邑河東是冀之既病則亦唯君故言虞

冀使病將假道故稱報伐今虢爲不道保於逆旅以侵敝邑

之南鄙敢請假道以請罪於虢虞公許之且請先伐虢

喜於厚賂而宮之奇諫不聽遂起師夏晉里克荀息帥

師會虞師伐虢滅下陽先書虞賄故也五年晉侯復

假道於虞以伐虢宮之奇諫曰虢虞之表也虢亡虞必從之晉不可啟寇不可翫一之謂甚其可再乎諺所謂輔車相依唇亡齒寒者其虞虢之謂也公曰晉吾宗也豈害我哉對曰太伯虞仲太王之昭也太伯不從是以不嗣虢仲虢叔王季之穆也虢仲虢叔王季子文王母弟為文王卿士勲在王室藏於盟府將虢是滅何愛於虞且虞能親於桓莊乎其愛之也桓莊之族何罪而以為戮不唯偏乎親以寵偏猶尚害之況以國乎公曰吾享祀豐潔神必據我對曰臣聞之鬼神非人實親惟德是依周書曰皇天無親惟德是輔又曰黍稷非馨明德惟馨又曰民

不易物惟德繫物如是則非德民不和神不享矣神所馮依將在德矣若晉取虞而明德以薦馨香神其吐之乎弗聽許晉使宮之奇以其族行曰虞不臘矣在此行也晉不更舉矣八月晉侯圍曲沃陽十月晉滅虢師還館於虞遂襲虞滅之執虞公及其大夫井伯以勝秦穆姬而修虞祀且歸其職貢於王虞所命祀自太伯作吳五世而武王克殷封其後為二其一虞在中國其一吳在蠻夷十二世而晉滅中國之虞中國之虞滅無世而夷蠻

之吳興

號

乾隆十一年校刊

封建四

號姬姓公爵出自王季子號仲文王弟也仲與號叔爲
王卿士勲在王室藏於盟府而文王友愛二弟謂之二
號武王克商封仲於弘農陝縣東南之號城今鳳翔府
周室東遷號公忌父林父俱爲天子之相其隱公三年
鄭武公莊公爲王卿士王貳於號號王欲分政於號鄭伯
怨王王曰無之故周鄭交質王崩周人將舁號公政鄭
祭是帥師取溫之麥秋又取成周之禾周鄭交惡謂武
年號公忌父始作卿士於周莊公十八年號公晉侯
朝王王饗禮命之侑王之觀羣后始則行饗禮先置醴
助也所以助歡敬皆賜玉五穀馬三匹非禮也雙玉王
之意言備設也

命諸侯名位不同禮亦異數不以禮假人

言侯不當與公同賜也

號公晉侯鄭伯使原莊公逆王后於陳陳媯歸於京師
實惠后王十九年王子頹作亂衛師燕師伐周立子頹
二十年鄭伯和王室不克遂以王歸冬王子頹享五大
夫樂及徧舞鄭伯聞之見號叔曰寡人聞之哀樂失時
殃咎必至今王子頹歌舞不倦樂禍也夫司寇行戮君
爲之不舉而况敢樂禍乎奸王之位禍孰大焉臨禍忘
憂憂必及之蓋納王乎號公曰寡人之願也二十一年
年胥命於弭同伐王城鄭伯將王自圍門入號叔自北
門人殺王子頹及五大夫鄭伯享王於闕西辟王巡號

守號公為王宮於珽地號王與之酒泉鄭伯之享王也王

以后之鞶鑑予之鞶帶而以鑑為飾也號公請器王予

之爵鄭伯由是始惡於王今西方羌胡為然二十六年秋號人侵晉冬

號人又侵晉周大三十年樊皮叛王夫王命號公討樊

皮號公入樊執樊仲皮歸於京師三十二年有神降

於莘有神聲以接惠王問之內史過曰若之何對曰以

其物享焉其至之日亦其物也享祭也若以甲乙日至

以此類王從之內史過往聞號請命祭先脾玉用蒼服尚青號請於神求

號必亡矣虐而聽於神神居莘六月號公使祝應宗區

史囂享焉神賜之土田史囂曰號其亡乎吾聞之國將

與聽於民將亡聽於神神聰明正直而壹者也依人而

行唯德號多涼德其何土之能得是予號公夢在廟有神

人面白毛虎爪執鉞立於西阿西榮也公懼而走神曰無

走帝命曰使晉襲於爾門公拜稽首覺召史囂占之對

曰如君之言則蓐收也天之刑神也天事官成官成禍

官象公使囚之且使國人賀夢舟之僑告其族曰衆謂

號不久吾乃今知之君不度而賀大國之襲於己也何

瘳吾聞之也大國道小國襲焉曰服小國傲大國襲焉

曰誅民疾君之侈也是以遂於逆命今嘉其夢侈必展

是天奪其鑒而益其疾也民疾其態天又誑之大國來

誅出令而逆宗國既畢諸侯遠已內外無親其誰云救
之吾不忍俟也將行以其族適晉命閔公二年虢公敗
犬戎於渭汭舟之僑曰無德而祿殃也殃將至矣
公二年晉假道于虞以伐虢虞公許之晉里克荀息帥
師會虞師伐虢滅下陽下陽虢邑虢公敗戎於桑田晉卜
偃曰虢必亡矣亡下陽而不懼而又有功是天奪之鑒
而益其疾也必易晉而不撫其民矣不可以五稔五
年晉復假道於虞以伐虢八月晉侯圍上陽問於卜偃
曰吾其濟乎對曰克之公曰何時對曰童謠云丙之晨
龍尾伏辰龍尾星也日月之會曰辰日在尾故尾星伏不見均服振振取虢之

旂戎事上下同服鵠之賁賁天策焯焯火中成軍虢公

其奔焯焯火星也賁賁鳥星之體也天策傳說星時近

有成功也已上皆童謠言童戲未有念慮之其九月十

月之交乎謂夏之九月十月也丙子旦日在尾月在策是夜日月合朔於尾

月行疾故至旦而過在策鵠火中必是時也冬十二月晉滅虢虢公

醜奔京師

紀

紀姜姓侯爵地在東筦劇縣今臨朐縣東壽光縣西

周夷王時紀侯譖齊哀公於周周烹哀公 隱公元年

紀人伐夷夷國在城陽莊武縣 二年紀裂繻逆女于魯紀大夫 冬

乾隆十二年校刊

封建四

魯伯姬歸于紀 紀子帛莒子盟于密 桓公五年齊侯鄭伯朝于紀欲以襲之紀人知之 六年魯會紀侯于成紀來諮謀齊難也 冬紀侯來朝魯請王命以求成于齊公告不能紀微弱不能自通於天子欲因公以請王命公無寵於王故告不能 莊公元年齊師遷紀邢鄆鄆齊欲滅紀故徙其三邑之民而取其地 三 年紀季以鄆入于齊紀於是乎始判季紀侯弟鄆紀邑判分也分爲附庸 始 魯公次于滑將會鄭伯謀紀故也鄭伯辭以難 四年紀侯不能下齊以與紀季盡以國與季 夏紀侯大去其國違齊難也公羊傳大去者何滅之孰滅之齊滅之曷爲不言齊滅之爲襄公諱故也春秋爲賢者諱何賢乎

襄公復讎也何讎爾遠祖也哀公烹乎周紀侯譖之以襄公之爲於此焉者事祖禰之心盡矣遠祖者幾世乎九世矣九世猶可以復讎乎雖百世可也四平濤八

邢

邢姬姓侯爵地在廣平襄國縣隋改曰龍岡今邢州隱公五年曲沃莊伯以鄭人邢人伐翼 閔公元年狄人伐邢管敬仲言於齊侯曰戎狄豺狼不可厭也諸夏親暱不可棄也宴安酖毒不可懷也詩云豈不懷歸畏此簡書簡書同惡相恤之謂也請救邢以從簡書齊人救邢 僖公元年齊師及諸侯救邢邢人潰出奔師師

遂逐狄人具邢器用而遷之師無私焉夏邢遷于夷儀諸侯城之十八年邢人狄人伐衛圍蒐圃衛侯以國讓父兄子弟及朝衆曰苟能治之燬請從焉衆不可而後師於訾婁狄師還狄還邢獨留拒衛十九年衛人伐邢以報蒐圃之役於是衛大旱卜有事於山川不吉甯莊子曰昔周饑克殷而年豐今邢方無道諸侯無伯天其或者欲使衛討邢乎從之師興而雨二十年齊狄盟于邢爲邢謀衛難也於是衛方病邢二十四年衛人將伐邢禮至曰不得其守國不可得也禮至衛大夫守我謂邢正卿國子請昆弟仕焉乃往得仕二十五年春衛人伐邢二禮

從國子巡城掖以赴外殺之正月丙午滅邢禮至爲銘曰余掖殺國子莫余敢止惡其不知耻詐以滅同姓而反銘功

芮

芮姬姓伯爵國在馮翊臨晉縣芮鄉今陝州芮城縣

武王時巢伯來朝芮伯作旅巢命成王時芮伯爲司

徒與太保彤伯畢公衛侯毛公同受顧命立康王厲王

說榮夷公芮良夫曰良夫卽芮伯王室其將卑乎夫榮夷公

好專利而不知大難夫利百物之所生也天地之所載

也而或專之其害多矣天地百物皆將取焉胡可專也

所怒甚多而不備大難以是教王王能久乎又作桑柔

之詩以刺王。桓公三年芮伯萬之母惡芮伯之多寵人也。故逐之出居於魏。四年秋秦師侵芮敗焉。小之也。冬王師秦師圍魏執芮伯以歸。秦為芮所敗故伐魏執芮伯將納之。九年秋虢仲芮伯梁伯荀侯賈伯伐曲沃。十年秋秦人納芮伯萬於芮。

申姜姓侯爵其先神農之後為唐虞四岳受封於申國在南陽宛縣今信陽軍。宣王時入為王卿士出為南方侯伯尹吉甫作崧高之詩以美其事。幽王娶申女為后生太子宜臼後寵褒姒廢申后及太子申侯怒與

繒之國繒繒姒姓西夷犬戎攻殺幽王驪山下虜褒姒盡取周

賂以去諸侯乃即申侯共立故幽王太子宜臼為平王東遷洛邑平王遣兵戍申周人怨思作揚之水之詩以刺之。魯莊公六年楚武王伐申過鄧。十八年楚文王與巴人伐申而驚其師。申後為楚所滅。楚滅申春秋無明文然僖公二十五年楚以申息之師伐商密其時息已亡則所謂申息皆楚邑也申滅於楚可知二十八年楚師敗於城濮楚子使謂子玉曰大夫若入其若申息之老何亦一證。

按申伯為蕃翰於宣王之時及幽王廢申后而申侯召犬戎伐周弒王然則以世考之召戎弒君之申侯即為蕃翰者之子也平王東遷王室微弱而

方且遣兵戎申以召譏刺蓋申侯忘父之忠而召
夫我以禍王室平王復忘父之讎而勤兵師以戍
母家皆非善繼志之孝子也

鄆姓子爵夏后氏之後地在瑯琊鄆縣今襄邑縣東

南與幽王末申侯與鄆人召西夷犬戎攻王殺王驪山

下僖公十四年鄆季姬來寧于魯季姬魯女公怒止

之以鄆子之不朝也夏遇于防而使來朝之十六年齊

會諸侯于淮謀鄆且東畧也鄆為淮夷城鄆役人病有

夜登邱而呼曰齊有亂不果城而還下十九年宋襄公

使邾文公用鄆子於次睢之社欲以屬東夷雒水受汴

梁譙沛彭城縣入泗此水次有妖神東夷皆社祠之用人以祭宣公十八年邾人戕

鄆子于鄆自虐其君曰襄公四年公如晉聽政晉侯

享公公請屬鄆鄆小國欲得使屬魯如須句晉侯不許

孟獻子曰以寡君之密邇於仇讎而願固事君無失官

命晉官徵發鄆無賦於司馬晉司馬掌為執事朝夕之

命之命也敝邑敝邑褊小闕而為罪寡君是以願借助焉晉侯

許之冬十月邾人莒人伐鄆魯臧紇救鄆侵邾敗于

狐駘五年魯穆叔覲太子於晉以成屬鄆書曰叔孫

豹鄆太子巫如晉言比諸魯大夫也九月穆叔以屬

鄆為不利使鄆大夫聽命於會鄆近魯境故欲以為屬國既而與莒有忿魯不能救恐致譴責故復乞還之

六年莒人滅鄆鄆恃賂也晉人以鄆

故討魯曰何敢亡鄆季武子如晉見且聽命八年莒人伐魯東鄙以疆鄆田莒既滅鄆魯侵其西界故

公四年九月取鄆言易也莒亂著邱公立而不撫鄆鄆

叛而來故曰取凡克邑不用師徒曰取國事皆無大官

右以上言鄆亡事本左氏傳如公羊穀梁三家於

襄公四年所書莒人滅鄆則以為莒女為鄆夫人

而無子有女還嫁之於莒有外孫遂取以為鄆太

子而立之蓋莒未嘗取鄆之地鄆未嘗滅特以外

姓主國祀故以滅書而鄆之亡在昭公四年蓋魯

滅之非莒也上距春秋所書莒人滅鄆凡二十九

年

邾姬姓伯爵地在東平剛父縣西南有邾鄉魯隱公五

年衛之亂也邾人侵衛故衛師入邾十年齊人鄭人

入邾討違王命也莊公八年魯師齊師圍邾邾降於

齊師仲慶父請伐齊師公曰不可我實不德齊師何罪

罪我之由夏書曰臯陶邁種德德乃降姑務修德以待

時乎秋師還文公十二年邾太子朱儒自安于夫鍾

乾隆十二年校刊

封建四

十五

郟國人弗徇也弗順也公十二年郟伯卒郟人立君太子以

夫鍾與郟邾來奔公以諸侯逆之非禮也故書曰郟伯

來奔郟邾來奔公以諸侯逆之非禮也故書曰郟伯

巴巴姬姓子爵地在巴郡江州縣今渝州江津桓公九

年巴子使韓服告於楚請與鄧為好楚子使道朔

將巴客以聘於鄧鄧南鄙鄧人攻而奪之幣殺道朔及

巴行人楚子使遠章讓於鄧鄧人弗受言非鄧人所攻夏楚使

鬬廉及巴師圍鄧鄧養甥帥師救鄧三逐巴師不克鬬

廉衡陳其師於巴師之中以戰而北偽北走也鄧人逐之背

巴師而夾攻之鄧師大敗鄧人宵潰十八年楚文王

即位與巴人伐申而驚其師巴人畔楚而伐那處取之

遂門於楚閭敖楚大夫游涌而逸楚子殺之其族為亂巴

人因之以伐楚楚子禦之大敗於津文公十六年楚

大饑戎伐之庸人帥羣蠻叛楚楚子伐庸秦人巴人從

楚師遂滅庸哀公十八年巴人伐楚圍鄆楚邑初右司

馬子國之卜也觀瞻曰如志子國未為令尹時卜為右

楚開卜大夫故命之命以為右司馬及巴師至將卜帥王曰寧

如志何卜焉寧子國也使帥師而行請承承王曰寢尹工尹

勤先君者也柏舉之役寢尹吳由于以背受戈工尹固執燧象奔吳師三月楚公孫

寧吳由于遠固敗巴師於鄆故封子國於析君子曰惠

王知志不無對朝聘而百請承王曰寡民工兵

江大夫命之命以爲文巴師至命以爲王曰寡民工兵

江姓爵未詳國在汝南安陽縣今信陽縣之東南新息

縣之西僖公二年齊侯宋公江人黃人盟于貫服江

黃也江黃楚與國始來三年及齊宋會于陽穀八四

年及齊侯及諸侯之師侵蔡蔡潰遂伐楚盟于召陵楚

文公三年楚師圍江晉先僕伐楚以救江冬晉以江故

告于周欲假天子之威以伐楚王叔桓公晉陽處父伐楚以救江

門于方城遇息公子朱而還子朱楚大夫伐江之帥也

亦還四年楚人滅江秦伯爲之降服出次不舉過數降服

素服也出次辟正寢不舉去盛大夫諫公曰同盟滅雖

饌鄰國之禮有數今秦伯過之不能救敢不矜乎吾自懼也

秦江同盟不見於春秋不告故不書

黃不察黃不察黃不察黃不察黃不察

黃嬴姓爵未詳國在光州定城有黃故城又云登州黃

縣桓公八年楚子合諸侯于沈鹿楚地黃隨不會使遠

章讓黃莊公十九年楚子禦巴師大敗于津還鬻拳

弗納遂伐黃敗黃師於踏陵黃地僖公二年齊宋江黃

盟于貫始服齊也三年及齊宋會于陽穀四年齊

會諸侯及江黃伐陳十一年黃人不歸楚貢楚人伐

黃黃特

齊故 又十二年黃人恃諸侯之睦於齊也不共楚職

曰自郢及我九百里焉能害我夏楚滅黃四年齊

息姬姓侯爵國在汝南今蔡州新息縣隱公十一年

鄭息有違言以言語相違恨息侯伐鄭鄭伯與戰於竟息師大

敗而還君子是以知息之將亡也不度德不量力不親

親不徵辭不察有罪言語相恨當明徵其辭犯五不韙

而以伐人其喪師也不亦宜乎以審曲直不宜轉鬪十年蔡哀侯娶於陳

息侯亦娶焉息媯將歸過蔡蔡侯曰吾媯也止而見之

弗賓不禮敬也息侯聞之怒使謂楚文王曰伐我吾求救於

蔡而伐之楚子從之九月楚敗蔡師於莘以蔡侯獻舞

歸分十四年蔡哀侯為莘故繩息媯以語楚子繩譽也楚

子如息以食入享遂滅息以息媯歸公六年晉為鄭

鄧鄧侯鄧侯爵國在河南新野今潁川陵縣 桓公七年

鄧侯吾離朝于魯 九年巴子使韓服告於楚請與鄧

為好楚子使道朔將巴客聘於鄧鄧南鄙鄧人攻而奪

之幣殺道朔及巴行人楚子使遠章讓鄧鄧人弗受夏

楚及巴師圍鄧鄧師大敗 莊公六年楚文王伐申過

鄧鄧祁侯曰吾甥也止而享之騅甥聘甥養甥皆鄧甥

仕於舅

乾隆十二年校刊

文法通考卷之三 封建四

氏請殺楚子鄧侯弗許三甥曰亡鄧國者必此人也若不早圖後君噬臍其及圖之乎圖之此為時矣鄧侯曰人將不食吾餘對曰若不從三臣之言抑社稷實不血食而君焉取餘弗從還明年楚子伐鄧十六年楚復伐鄧滅之
梁嬴姓伯爵國在馮翊夏陽縣今同州桓公九年虢仲芮伯梁伯荀侯賈伯伐曲沃僖公六年晉侯使費華伐屈夷吾不能守盟而行將奔狄卻芮曰後出同走罪也不如之梁梁近秦而幸焉乃之梁以梁為秦所親幸秦既大國且

穆姬在焉欲因以求入十八年梁伯益其國而不能實也多築城邑而無民命曰新里秦取之十九年遂城而居之冬梁亡不書其主自取之也初梁伯好土功亟城而不處民罷而弗堪則曰某寇將至乃溝公官曰秦將襲我民懼而潰秦遂取梁

滑

滑姬姓伯爵國在河南緱氏縣僖公二十年滑人叛鄭而服於衛鄭公子士洩堵寇帥師入滑二十四年鄭之入滑也滑人聽命師還又即衛鄭公子士洩堵俞彌帥師伐滑王使伯服游孫伯如鄭請滑鄭伯怨王之

與衛滑乃不聽王命而執二子 二十二年秦師襲鄭
及滑鄭商人莚高以乘韋先牛十二犒師孟明日鄭有
備矣不可冀也攻之不克圍之不繼吾其還也滅滑而
還

都

都元姓爵未詳國本在商密秦楚界上小國其後遷於
南郡都縣 僖公二十五年秦晉伐都楚鬪克屈禦寇
以申息之師戍商密 別邑 秦人過析隈入而係輿人以
圍商密昏而傳焉 析楚邑隈隱蔽之處係縛輿人詐為
克析得其囚俘者昏而傳城不欲令
商密知囚 宵坎血加書偽與子儀子邊盟者商密人懼
非析人

曰秦取析矣戍人反矣乃降秦師秦師囚申公子儀息

公子邊以歸 即鬪克
屈禦寇 文公五年初都叛楚即秦又貳

於楚夏秦人入都 武之昏而丑刺大夫鑄車而而

東楚頓 謂荆之南對楚來吳公于水曰荆荆之對楚

頓姬姓子爵國在汝陰今陳州南頓縣 僖公二十五

年秦晉伐都楚令尹子玉追秦師弗及遂圍陳納頓子

於頓 頓迫於陳而出奔楚
故楚圍陳納頓子 襄公四年楚人使頓間陳而

侵伐之故陳人圍頓 定公十四年頓子牂欲事晉背

楚而絕陳好楚公子結陳公孫佗帥師滅頓 文公三

十四年胡于沈國 在汝陰今陳州南頓縣

胡姬姓子爵國在汝陰縣西北胡城今潁川西 沈姒
姓子爵國在汝南平輿縣今蔡州汝陽縣東 文公三

年晉率諸侯之師伐沈以其服於楚也沈潰始成公八

年晉欒書侵蔡遂侵楚楚師之還也謂六年與晉侵

沈獲沈子嘉楚襄公二十八年胡子沈子朝于晉宋之

盟故也胡沈楚屬宋之盟曰晉昭公二十三年吳伐州

來楚以諸侯之師救州來吳公子光曰諸侯之從於楚

者衆而皆小國胡沈之君幼而狂陳大夫鬻壯而頑頓

與許蔡疾楚政七國同役而不同心乃分師以先犯胡

沈及陳三國敗獲胡子鬚沈子逞及陳夏齧舍胡沈之

囚使奔許與蔡頓曰吾君死矣師譟而從之三國奔楚

師大奔 定公四年晉會諸侯于召陵沈人不會晉人

使蔡伐之蔡公孫姓帥師滅沈以沈子嘉歸殺之

麋姓羸子爵國近楚在今均州鄖鄉齊文公十年楚子

陳侯鄭伯蔡侯次于厥貉將伐宋麋子逃歸十一年

楚子伐麋成大心敗麋師于防渚潘崇復伐麋至于錫

穴皆麋地十六年楚大饑麋人率百濮聚於選將伐楚

選地百濮楚夷也 為賈曰麋與百濮謂我饑不能師故伐我也

若我出師必懼而歸百濮離居將各走其邑誰暇謀人

乃出師旬有五日百濮乃罷

濮夷無屯聚見難則散歸

萊

萊姓未詳子爵國在東萊黃縣率宣公七年魯公會齊

侯伐萊九年齊侯伐萊襄公二年齊侯伐萊萊人

使正輿子賂夙沙衛以索馬牛皆百匹

夙沙衛齊寺人索棟好者

師乃還齊侯使諸姜宗婦來魯送齊姜葬召萊子萊

子不會故晏弱城東陽以偏之

東陽齊境上

六年齊侯滅

萊萊恃謀也

恃賂夙沙衛

唐

唐姬姓侯爵屬楚之小國地在義陽安昌縣東南今隨

州唐城縣宣公十二年楚子圍鄭晉師救鄭楚子使

唐狡與蔡鳩居告唐惠侯曰不穀不德而貪以遇大敵

不穀之罪也然楚不克君之差也敢藉君靈以濟楚師

使潘黨率游闕四十乘從唐侯以為左拒以從上軍乃

敗晉師於邲定公三年唐成公如楚有蕭爽馬楚令

尹子常欲之弗與亦三年止之

蕭爽駿馬名

唐人或相與謀

請代先從者許之飲先從者酒醉之竊馬而獻之子常

子常歸唐侯自拘於司敗

竊馬者自拘

曰君以弄馬之故隱

君身

隱憂也

棄國家羣臣請相夫人以償馬必如之

相助也夫

人謂養馬者

唐侯曰寡人之過也二三子毋辱皆賞之四

年冬蔡侯吾子唐侯伐楚五戰入郢楚子奔隨申包胥
如秦乞師五年秦子蒲子虎帥師救楚大敗吳師遂
滅唐

舒 羣舒 巢

舒偃姓子爵國在廬江舒縣 舒鳩偃姓子爵舒之別

封廬江南有舒城東夷也 舒庸姓爵俱失其國亦在

廬江 巢姓爵俱失國在廬江六縣東 舒巢皆楚屬

國 文公十二年楚成嘉為令尹羣舒叛楚夏子孔執

舒子平及宗子遂圍巢 子孔即成嘉平舒君名 宗巢二國羣舒之屬 十四

年楚莊王立子孔潘崇將襲羣舒使公子燮與子儀守

而伐舒蓼 舒即羣 二子作亂城郢而使賊殺子孔不克而

還八月二子以楚子出將如商密廬戢黎及叔麋誘之

遂殺鬬克及公子燮 廬楚地戢黎廬大 夫鬬克即子儀也 宣公八年楚

為衆舒叛故伐舒蓼滅之 二國 楚子疆之 正其 界也 及滑芮

盟吳越而還 成公七年楚申公巫臣奔晉使於吳教

之叛楚吳始伐楚伐巢伐徐 成公十八年舒庸人以

楚師之敗也 敗於 鄢陵 道吳人圍巢伐駕圍釐虺 巢駕釐虺 楚四邑

遂恃吳而不設備楚公子橐師襲舒庸滅之 襄公二

十四年吳人為楚舟師之役故 此年夏楚為 舟師以伐吳 召舒鳩人

舒鳩人叛楚楚子師於荒浦 舒鳩 地 使沈尹壽與祁犁讓

之二人楚舒鳩人敬逆二子而告無之且請受盟二子

復命王欲伐之蕞子曰不可彼告不叛且請受盟而又

伐之伐無罪也姑歸息民以待其卒卒而不貳吾又何

求若猶叛我無辭有庸乃還二十五年舒鳩人卒叛

楚令尹子木伐之及離城舒鳩城吳人救之子木遽以右

師先先至舒鳩子强息桓子捷子駢子孟師左師以退五人不及

子木與吳子木與吳吳人居其間七日子强曰之將墊隘慮水隘

乃禽也不如速戰請以私卒誘之簡師陳以待我簡閱精兵

駐後為陳我克則進奔則亦視之視其形勢而救助之乃可以免不然

必禽從之大敗吳師遂圍舒鳩舒鳩潰八月楚滅舒鳩

戴

戴姓爵俱未詳國在陳留外黃縣今開封封邱縣 隱

公十年宋人衛人入鄭蔡人從之伐戴八月鄭伯圍戴

克之取三師焉三國之軍在戴故鄭合圍之宋衛既入鄭而以伐戴

召蔡人蔡人怒故不和而敗

南燕

南燕姑姓伯爵國在東郡燕縣今滑州胙城 隱公五

年鄭人侵衛牧牧衛地以報東門之役衛人以燕師伐鄭

鄭祭足原繁洩駕以三軍軍其前使曼伯與子元潛軍

軍其後燕人畏鄭三軍而不虞制人北制鄭邑六月鄭二公

乾隆十二年校刊 封建四

子以制人敗燕師于北制八莊公二十年衛師燕師伐周納王子頹三宿風姓男爵國在東平無鹽縣今鄆州須城東隱公八年宿男卒莊公七年宋人遷宿宋強遷之而取其地文異於邢遷州姜姓公爵國在濟陰定陶縣今京南府桓公五年州公如曹度其國危遂不復六年自曹來朝書曰實來不復其國也

穀

穀嬴姓伯爵國在南陽筑鄉縣今襄陽穀城桓公八年穀伯綏來朝于魯

荀

荀姬姓侯爵國在絳州荀城又云漢桐邑賈姬姓伯

爵國在同州蒲城縣桓公九年虢仲芮伯梁伯荀侯

賈伯伐曲沃

遂

遂姓爵俱未詳國在濟北蛇邱縣今濟州鉅野莊公

十三年齊侯會諸侯于北杏以平宋亂宋厲殺閔公遂人不

至夏齊侯滅遂而戍之十七年遂因氏領氏工婁氏

須遂氏

四族遂之強宗也

之饗齊戍醉而殺之齊人殲焉

十三貳軫會鄖絞北州

州

蓼

貳軫其鄖絞五州爵姓俱未詳蓼偃姓臯陶之

後爵未詳貳軫絞地缺鄖國在江夏鄖杜縣東南今秦

州州在南郡華容縣東南蓼在義陽棘縣東南湖陽城

今壽州霍邱縣桓公十一年楚屈瑕將盟貳軫鄖人

軍於蒲騷

即鄖邑

將與隨絞州蓼伐楚師莫敖患之鬬廉

曰鄖人軍其郊必不誠且日虞四邑之至也

四邑隨

君

次於郊鄖以禦四邑

郊鄖楚地

我以銳師宵加於鄖鄖有虞

心而恃其城莫有鬬心若敗鄖師四邑必離從之遂敗

鄖師於蒲騷卒盟而還 十二年楚伐絞軍其南門莫

敖屈瑕曰絞小而輕輕則寡謀請無扞采樵者以誘之

扞衛也

從之絞人獲三十人明日絞人爭出驅楚役徒於

山中楚人坐其北門而覆諸山下大敗之為城下之盟

而還

羅

羅熊姓爵未詳國在南郡枝江縣今襄陽宜城 桓公

十二年楚伐絞師分涉於彭

彭水在新城昌魏縣

羅人欲伐之使

伯嘉謀之三巡數之

伯嘉羅大夫謀伺也巡徧也

十三年楚屈瑕

伐羅鬬伯比送之還謂其禦曰莫敖必敗舉趾高心不

乾隆十二年校刊

封建四

三

固矣遂見楚子曰必濟師

難言將敗故只請益師

楚子辭焉

不解其旨

故拒

入告夫人鄧曼鄧曼曰大夫其非衆之謂其謂君

撫小民以信訓諸司以德而威莫敖以刑也莫敖狃於

蒲騷之役將自用也必小羅君若不鎮撫其不設備乎

夫故謂君訓衆而好鎮撫之召諸司而勸之以令德見

莫敖而告諸天之不假易也不然夫豈不知楚師之盡

行也楚子使賴人追之不及莫敖使徇於師曰諫者有

刑及鄢亂次以濟遂無次且不設備及羅羅與盧戎兩

軍之

盧戎南蠻

大敗之

頃相譚而無卒盟而敗之二十二年楚討齊軍其南門莫

譚姓未詳子爵國在濟南平陵縣今齊州歷城莊公
十年齊侯之出也過譚譚不禮焉及其入也諸侯皆賀
譚又不至冬齊師滅譚譚子奔莒

弦大道栢

弦子爵姓未詳道栢姓爵俱未詳弦國在弋陽軼

縣今光州仙居北道國在汝南陽皮縣南道亳今蔡州

確山有故道城栢國在汝陽西平縣栢亭今蔡州西平

縣平僖公五年楚鬪穀於莧滅弦弦子奔黃於是江黃

道栢方睦於齊皆弦姻也弦子恃之而不事楚又不設

備故亡

權姓爵俱未詳國在南郡當陽縣今荆門軍莊公十八年楚武王克權使鬬縉尹之以叛圍而殺之遷權於那處楚地使鬬敖尹之及文王即位與巴人伐申而驚其師巴人叛楚而伐那處取之遂門于楚攻楚城門閻敖游涌而逸涌水在南郡華容縣楚子殺之其族為亂冬巴人因之以伐楚十九年楚子禦之大敗于津

戰又須句之齊稱於戰戰于奔莒

須句風姓子爵國在東平昌縣東北今鄆州舒城晉僖公二十六年任宿須句顓臾風姓也實司太皞與有濟

之祀太皞伏羲四國伏羲之後故主其祀任今任城縣顓臾在泰山南武陽縣東北四國封近於濟故世

祀以服事諸夏與諸夏同服王事邾人滅須句須句子奔魯因

成風也成風為之言於公曰崇明祀保小寡周禮也蠻

夷滑夏周禍也邾迫近諸戎雜用夷禮若封須句是崇皞濟而修

祀紆禍也二十二年伐邾取須句反其君焉禮也

文公七年魯伐邾取須句寘文公子焉非禮也須句為邾所滅

僖公取其地再封之復為邾所取今魯再取之邾文公之子叛在魯故使為須句大夫

夔

夔芊姓子爵國在建平秭歸縣今歸州僖公二十六

年夔子不祀祝融與鬻熊祝融高辛之火正楚之遠祖鬻熊祝融之十二世孫也夔

乃為楚之別封故亦世紹其祀也楚人讓之對曰我先王熊摯有疾鬼

弗赦而自竄於夔熊摯楚嫡子有疾不能位故別封為夔子吾是以失楚又

何祀焉廢其常祀而餘詞文過秋楚成得臣鬬宜申帥師滅夔以

夔子歸

文公庸子晉對夔子歸也

庸姓爵俱未詳國在上庸縣今房州庸縣文公十六

年楚大饑庸人率羣蠻以叛楚楚人謀徙於阪高蔦賈

曰不可我能往寇亦能往不如伐庸乃出師使廬戢黎

侵庸戰黎廬大夫及庸方城方城庸地庸人逐之囚子揚窻黎官屬

三宿而逸曰庸師衆羣蠻聚焉不如復大師還復句起

王卒合而後進師叔曰不可楚大夫姑又與之遇以驕之

彼驕我怒而後可克先君蚡冒所以服陘隰也又與之

遇七遇皆北唯裨條魚人實逐之裨條魚庸三邑庸人曰楚不

足與戰矣遂不設備楚子乘駟會師於臨品駟傳車也分爲

二隊子越自石溪子貝自仞以伐庸秦人巴人從楚師

羣蠻從楚子盟遂滅庸

公子崇王曰

崇姓爵俱未詳國在今雍州鄠縣東人宣公元年晉欲

求成於秦趙穿曰我侵崇秦急崇必救之吾以求成焉

冬趙穿侵崇秦弗與成

乾隆十二年校刊

封建四

蕭姓爵俱未詳宋附庸國地今徐州蕭縣晉宣公十二

年楚子伐蕭宋華椒以蔡人救蕭蕭人囚熊相宜僚及

公子丙王曰勿殺吾退蕭人殺之王怒遂圍蕭蕭潰申

公巫臣曰師人多寒王巡三軍拊而勉之三軍之士皆

如挾纊遂傳於蕭還無社與司馬卯言號申叔展還無社蕭

大夫司馬卯申叔展皆楚大夫無社素識叔展故因卯呼之叔展曰有麥麩乎曰無

有山鞠窮乎曰無麥麩鞠窮所以禦濕欲使無社逃泥

言故河魚腹疾柰何叔展言以無曰目於晉井而拯之

無社意解欲入井故使叔禦濕將病若為茅絰哭井則已叔展又

展視廢虛井而求拯也教結茅

以表井須哭乃應以為信明日蕭潰申叔視其井則茅絰存焉號而

出之傳言蕭人

無守心

偏陽

偏陽妘姓子爵國在彭城偏陽縣今沂州承縣襄公

十年晉會諸侯於祖荀偃士句請伐偏陽而封宋向戌

焉以宋常事晉而向戌荀瑩曰城小而固勝之不武弗

勝為笑固請丙寅圍之弗克孟氏之臣秦堇父輦重如

役步挽重偏陽人啟門諸侯之士門焉見啟門縣門發

鄒人紇挾之以出門者門者諸侯之士在門內者紇鄒

內者狄虎彌建大車之輪而蒙之以甲以為櫓彌魯

蒙覆也 左執之右拔戟以成一隊 百人 孟獻子曰詩所

謂有力如虎者也主人縣布堊父登之及堞而絕之 偏

人縣以試 隊則又縣之蘇而復上者三主人辭焉乃退

外勇者 嘉其勇故辭 帶其斷以徇於軍三日 帶其斷布 諸侯之

師久於偃陽荀偃士旬請於荀瑩曰水潦將降懼不能

歸請班師知伯怒投之以機出於其間 出偃旬 曰汝成

二事而後告余 二事伐偃 余恐亂命以不女違汝既勤

君而興諸侯牽帥老夫以至於此既無武守而又欲易

余罪曰是實班師不然克矣余羸老也可重任乎 不任

此 責 七日不克必爾乎取之五月庚寅荀偃士旬帥卒攻

偃陽親犯矢石甲午滅之以與向戌向戌辭曰君若辱

鎮撫宋國而以偃陽光啟寡君羣臣安矣其何貺如之

若專賜臣是臣與諸侯以自封也其何罪大焉敢以死

請乃子宋公以偃陽子歸獻於武宮謂之夷俘 諱俘中

之 夷 偃陽妘姓也使周內史選其族納諸霍人禮也 霍晉

使掌爵祿廢置者使選偃陽宗族賢者命居 霍奉妘姓之嗣善不滅姓周史示有王命

賴

賴姓未詳子爵國在義陽隨縣今蔡州褒信縣 昭公

四年楚子會諸侯伐吳執齊慶封殺之遂以諸侯滅賴

賴子面縛銜璧肉袒輿視從之造於中軍王問諸椒舉

對曰成王克許許僖公如是王親釋其縛受其璧焚其
觀王從之遷賴於鄆鄆楚邑楚子欲遷許於賴使鬬韋龜
與公子棄疾城之而還為許城也

鄆

鄆邳姓子爵國在瑯琊開陽縣今臨沂縣 昭公十八
年鄆人藉稻其君出自藉稻蓋履行之邾人襲鄆鄆人將閉門邾人
羊羅攝其首焉斬復開門者頭遂入之盡邾以歸鄆子曰余無
歸矣從孥於邾邾莊公反鄆夫人而舍其女魯十九年
鄆夫人宋向戌之女也故向寧請師三月宋公伐邾圍
蟲邾邾邑三月取之乃盡歸鄆俘與向文向文報曰魯昔

文淵 耿 霍 魏 焦 滑 揚

耿姬姓爵未詳國在平陽皮氏縣今河中府龍門縣

霍姬姓爵未詳國在平陽永安縣今晉州霍邑 魏姬

姓爵未詳國在河東北縣今陝州平陸有魏城 焦姬

姓爵未詳國在弘農陝縣今陝州有焦城 滑姬姓伯

爵國在河南緱氏縣今拱州 揚姬姓爵未具國在河

東今晉州洪洞縣 閔公元年晉侯作二軍晉本一軍公將

上軍太子申生將下軍趙夙御戎畢萬為右以滅耿滅

霍滅魏還為太子城曲沃賜趙夙耿賜畢萬魏以為大

夫 襄公二十九年晉司馬女叔侯曰虞號焦滑霍揚

韓魏皆姬姓也晉是以大若非侵小將何所取
按如司馬女叔侯之說則滑為晉所滅然僖公三
十二年秦穆公襲鄭以鄭有備滅滑而還則滅滑
東今者秦非晉也呂相絕秦書有殄滅我費滑散離我
諸侯兄弟之語則方是以聲秦滅姬姓諸侯之罪豈晉
所滅者又別一滑邪當考
文獻通考卷第二百六十三

文獻通考卷第二百六十四

鄱 陽 馬 端 臨 貴 與 著
封建考五

春秋列國傳授本末事跡

周

周姬姓公爵國在王畿內扶風雍縣唐改為天興成王
封周公於魯周公元子伯禽就封於魯次子留相王室
代為周公 桓公五年鄭伯不朝王以諸侯伐鄭鄭禦
之王為中軍號公林父將右軍秦衛屬焉周公黑肩將
左軍陳人屬焉 黑肩即周 王卒大敗 十八年周公欲

弒莊王而立王子克莊王弟辛伯告王遂與王殺周公黑

肩王子克奔燕初子儀有寵於桓王子儀即王子克桓王屬諸

周公辛伯諫曰並后妾如后匹嫡庶如嫡兩政臣擅命耦國都如

國亂之本也周公弗從故及僖公九年周公會齊侯

及諸侯盟于葵邱周公宰孔也王使宰孔賜齊侯胙二十

四年顏叔桃子奉太叔以狄師伐周大敗周師獲周公

忌父原伯毛伯富辰三十年王使周公閱來聘饗有

昌歎白黑形鹽昌歎昌蒲菹白熬稻黑熬黍形鹽鹽形象虎辭曰國君文足

昭也武可畏也則有備物之饗以象其德薦五味羞嘉

穀鹽虎形以獻其功吾何以堪之文公十四年頃王

崩周公閱與王孫蘇爭政故不赴周公與王孫蘇訟於

晉王叛王孫蘇王匡而使尹氏與聃啓訟周公於晉趙

宣子平王室而復之成公十一年周公楚惡惠襄之

偏也惠王襄王之族且與伯輿爭政伯輿周卿士不勝怒而出及陽

樊王使劉子復之盟於鄆而入三日復出奔晉王既復之而復

出所以自絕於周王召奔燕太子翬晉公之來國人圍之晉公曰

召姬姓伯爵國在王畿內雍縣東南今王屋縣召康公

奭受封於燕而食采於召其後世世輔王室厲王行

暴虐國人謗王召穆公虎諫曰民不堪命矣王怒得衛

巫使監謗者以告則殺之國人莫敢言道路以目王告
召公曰吾能弭謗矣召公曰是鄣之也防民之口甚於
防川川壅而潰傷人必多民亦如之王不聽國人畔襲
王王出奔彘太子靜匿召公之家國人圍之召公曰昔
吾驟諫王王不從以及此難也今殺王太子王其以我
爲讐而懟怒乎乃以其子代王太子太子得脫周公召
公二相行政號曰共和十四年厲王死於彘太子
靜長於召公家二相共立之是爲宣王宣王卽位命穆
公平淮夷告成於王王錫以圭瓚秬鬯一卣錫之土田
穆公作常武之詩以美宣王不僖公十一年王使召武

公賜晉惠公命 宣公十五年王孫蘇與召氏毛氏爭

政使王子捷殺召戴公及毛伯衛卒立召襄

襄召戴公之子

成公八年王使召桓公來賜魯公命 昭公二十二年

景王崩既葬王子朝因舊官百工之喪職秩者與靈景

之族以作亂逐劉子單子王子還與召莊公謀殺單子

還及召莊公與皆子朝黨

二十六年召伯盈逐王子朝

伯盈本子朝黨晉師

克鞏知子朝不成更逐之而立敬王

王子朝及召氏之族毛伯得尹氏固

南宮嚚奉周之典籍以奔楚召伯逆王於尸及劉子單

子盟

召伯新還故盟

二十九年三月京師人殺召伯盈尹氏

固及原伯魯之子

皆子朝黨也

劉

劉姬姓子爵國在畿內河南緱氏縣西北今緱氏西城

舊有劉亭劉子世爲王卿士宣公十年劉康公報聘

於魯

去年王來徵聘孟獻子聘於周也

成公元年晉侯使瑕嘉平戎

於王劉康公徼戎將遂伐之叔服曰背盟而欺大國必

敗不聽遂伐茅戎敗績於徐吾氏十一年晉郤至與

周爭鄆田王命劉康公單襄公訟諸晉郤至曰溫吾故

也故不敢失劉子單子曰昔周克商使諸侯撫封蘇忿

生以溫爲司寇與檀伯達封於河蘇氏卽狄又不能於

狄而奔衛襄王勞文公而賜之溫狐氏陽氏先處之而

後及子若治其故則王官之邑也子安得之晉侯使郤

至勿敢爭十三年劉康公會晉侯及諸侯伐秦成肅

公受賑於社不敬劉子曰吾聞之民受天地之中以生

所謂命也是以有動作禮義威儀之則以定命也能者

養之以福不能者敗以取禍是故君子勤禮小人盡力

勤禮莫如致敬盡力莫如敦篤敬在養神篤在守業國

之大事在祀與戎祀有執膳戎有受賑神之節也今

成子惰棄其命矣其不反乎十四年王使劉定公賜

齊侯命昭公元年晉趙武楚公子圍會諸侯于虢王

使劉定公勞趙孟於潁館於洛汭劉子曰美哉禹功明

德遠矣微禹吾其魚乎吾與子弁冕端委以治民臨諸侯禹之力也子盍亦績禹功而大庇民乎對曰老夫罪戾是懼焉能恤遠吾儕偷食朝不謀夕何其長也劉子歸以語王曰諺所謂老將至而耄及之者其趙孟之謂乎為晉正卿以主諸侯而儕於隸人朝不謀夕棄神人矣神怒民叛何以能久趙孟不復年矣昭公二十二年初王子朝賓起有寵於景王子朝景王長庶子賓起子朝傳王與賓孟說之孟即賓起欲立之劉獻公之庶子伯蚩事單穆公公劉摯伯蚩劉狄穆公單旗惡賓孟之為人也願殺之又惡王子朝之言以為亂願去之子朝有欲位之言夏王田北山使公卿皆從

將殺劉子單子

王知劉單不欲立子朝欲先期殺之

王有心疾乙丑崩於

榮錡氏戊辰劉子摯卒無子單子立劉蚩五月庚辰見

王見王猛

遂攻賓起殺之盟羣王子于單氏丁巳葬景王

王子朝因舊官百工之喪職秩者與靈景之族以作亂

靈王景王之子也

帥郊要餞之甲三邑周地

以逐劉子劉子奔揚單

子逆悼王于莊宮以歸王子還夜取王以如莊宮

王子還子

朝黨不欲使單子得王猛故取之

癸亥單子出

失王故出奔

王子還與召莊

公謀曰不殺單旗不捷遂奉王以追單子及領大盟而

復

領周地欲重盟令單子劉子復歸然後背盟殺之

殺摯荒以說劉子如劉單

子亡奔于平時

知還欲背盟故奔

羣王子追之單子殺還姑發

弱驪延定稠八子靈景之族子朝奔京其黨死故丙寅伐之

單子京人奔山劉子入於王城子朝奔京故得入辛未鞏簡公

敗績於京乙亥甘平公亦敗焉甘鞏二公周卿所敗單子欲

告急於晉以王如平時遂如圃車次於皇出次以劉子示急

如劉單子使王子處守於王城守王城距子朝盟百工於平宮

鄆盼伐皇大敗子朝黨司徒醜以王師敗績於前城百工

叛司徒醜敗故伐單氏之宮敗焉百工伐單氏為單氏所敗庚午反伐之

單氏反百工辛未伐東圍百工所在冬十月丁巳晉籍談荀躒帥

九州之戎及焦瑕溫原之師以納王於王城庚申單子

劉蚩以王師敗績於郊為子朝之黨所敗前城人敗陸渾於社

前城子朝衆十一月乙酉王子猛卒不成喪也未即位周人諡曰悼王所

以不稱崩已丑敬王即位子猛母弟館于子旅氏周大夫六月二十三

年四月單子取訾劉子取牆人直人二邑屬子朝六月王子

朝入於尹自京入尹氏之邑癸未尹圉誘劉佗殺之尹圉尹文公也劉佗

劉蚩族敬王黨丙戌單子從阪道劉子從尹道伐尹單子先至

而敗劉子還已丑召伯奐南宮極以成周人戌尹二子周卿

士子朝黨庚寅單子劉子樊齊以王如劉辟子朝出居劉子邑甲午王

子朝入於王城次於左巷鄆羅納諸莊宮周大夫尹辛敗

劉師於唐丙辰又敗諸鄆甲子尹辛取西闈西闈周地丙寅

攻蒯蒯潰二十六年單子如晉告急劉人敗王城之

師於尹氏劉人劉蚩之族戊辰王城人劉氏戰于施谷

劉氏敗績七月劉子以王出師敗次於渠周地王城人焚

劉王宿於褚氏晉知躒趙鞅帥師納王召伯盈逐王子

朝子朝奔楚召伯逆王於尸及劉子單子盟癸酉王入

于成周定公四年劉文公會晉及諸侯于召陵謀伐

楚也七年周儋翩入於儀栗以叛儀栗周邑單武公劉桓

公敗尹氏於窮谷尹氏復黨儋翩共為亂也八年劉子伐儀栗伐

孟以定王室討儋翩之黨哀公三年初劉氏范氏世為婚

姻萇弘事劉文公故周與范氏趙鞅以為討六月周入

殺萇弘及定王時劉氏亡國語

單單伯單子會之取成於宋而還文公十四年魯襄

單姬姓伯爵國在畿內單伯世為王卿士莊公十四

年齊侯以諸侯伐宋以其背北杏之會故也齊請師於周欲崇天子假王

仲使告於王請以王寵求叔姬於齊叔姬魯女齊昭公夫人生子舍無寵

為公子商人曰殺其子焉用其母請受而罪之冬單子

如齊請子叔姬齊人執之恨魯恃王勢求女又執子叔姬十

五年齊人許單伯請而赦之使致命於魯成公元年

晉侯使瑕嘉平戎於王單襄公如晉拜成十二年郤

至與周爭鄆田王命劉康公單襄公訟諸晉語見十

乾隆十二年校刊

封建五

七年單子會晉侯及諸侯之師伐鄭襄公三年公會

單頃公及諸侯同盟于雞澤十年王叔陳生與伯輿

爭政二子王晉侯使士匄平王室王使叔氏與伯輿合

要要辭王叔氏不能舉其契王叔奔晉單靖公為卿士

以相王室代王叔昭公十一年單子會韓宣子于戚視

下言徐叔向日單子其將死乎朝有著定著定朝常處內列位之表

為會野會設表衣有禴帶有結禴領會會朝之言

必聞於表著之位所以昭事序也視不過結禴之中所

以道容貌也言以命之容貌以明之失則有關今單子

為王官伯而命事於會視不登帶言不過步貌不道容

而言不昭矣不道不共不昭不從無守氣矣冬單成公

卒景王鑄大錢及無射單穆公諫不聽二十二年景

王崩劉子單子立王子猛王子朝作亂語見劉子定公八

年單子伐穀城簡城以定王室討僭亂

祭

祭姬姓伯爵周公之後國於畿內在陳留長垣縣今鄭

州管城有祭城世為王卿士穆王將征犬戎祭公謀

父諫曰不可先王耀德不觀兵夫兵戢而時動動則威

觀則玩玩則無震韋昭曰是故周文公之頌韋昭曰文

之曰載戢干戈載橐弓矢唐固曰我求懿德肆于時夏

乾隆十二年校刊

允王保之韋昭曰言武王常求美德故陳其功於是夏

者曰先王之於民也茂正其德而厚其性阜其財求而

利其器用明利害之鄉韋昭曰鄉方也以文修之使之務利而

辟害懷德而畏威故能保世以滋大昔我先王世后稷

韋昭曰謂棄與不窋也以服事虞夏及夏之衰也正義曰謂

唐固曰父子相繼曰世也太康棄稷不務正義曰言太我先王不窋用失其官而

自竄於戎狄之間不敢怠業時序其德遵修其緒徐廣曰遵

一作纂修其訓典朝夕恪勤守以敦篤奉以忠信奕世載

德不忝前人正義曰前人謂后稷也言不窋亦世載至

於文王武王昭前之光明而加之以慈和事神保民無

不欣喜商王帝辛大惡於民庶民不忍訖戴武王以致

戎於商牧正義曰紂近郊地名牧野是故先王非務武也勤恤民隱

而除其害也夫先王之制邦內甸服邦外侯服侯衛賓

服韋昭曰此總言之也夷蠻要服戎翟荒服甸服者祭

韋昭曰侯服者祀韋昭曰賓服者享韋昭曰要服者貢

韋昭曰侯服者祀韋昭曰賓服者享韋昭曰要服者貢

歲貢終王先王之順祀也徐廣曰外傳有不祭則修意

韋昭曰先修志意以自有不祀則修言韋昭曰言有不

享則修文韋昭曰文有不貢則修名韋昭曰名謂尊卑

有不王則修德韋昭曰遠人不服序成而有不至則修

刑韋昭曰序成謂上五者次序已成有不至則有刑罰也於是有刑不祭伐不祀

征不享讓不貢告不王於是有刑罰之辟有攻伐之兵

有征討之備有威讓之命有文告之辭布令陳辭而有

不至則增修於德無勤民於遠是以近無不聽遠無不

服今自大畢伯士之終也徐廣曰犬戎之君犬戎氏以其職來

王正義賈逵云大畢伯士犬戎氏之二君也白狼白鹿犬戎之職貢也按大畢伯士終後犬戎氏常以其職

來天子曰正義曰祭公言穆王之意故云天子曰予必以不享征之且觀

之兵無乃廢先王之訓而王幾頓乎正義曰吾聞犬戎

樹敦徐廣曰樹一作橄駟案韋昭曰樹立也言犬戎立性敦篤也率舊德而守終純

固其有以禦我矣王遂征之得四白狼四白鹿以歸自

是荒服者不至王欲肆其心周行天下將必有車轍馬

跡焉祭公謀父作祈招之詩以止王心祈父周司馬世掌甲兵之職招

其名祭公方諫游行故指司馬官而言其詩曰祈招之愔愔式昭德音思

我王度式如玉式如金形民之力而無醉飽之心王是

以獲沒於祗宮獲沒不見纂弒與隱公元年祭伯來非王命也

釋所以不稱使士桓公八年祭公來遂逆王后于紀一平王與

凡姬姓伯爵周公之後國於畿內在汲郡共縣今衛州

共城縣世為王卿士厲王幽王之時凡伯作板瞻印

召旻諸詩以刺王凡隱公七年戎朝於周發幣於公卿

乾隆十二年校刊

封建五

凡伯弗賓冬王使凡伯來聘還戎伐之于楚邱以歸

共姓蘇世為王卿士蘇氏幽王之執蘇氏蘇忿生

蘇其姓未詳子爵周武王時蘇忿生為司寇封於溫為

畿內之國地在河內溫縣蘇氏幽王時蘇成公與暴辛公

共為卿士為暴公所譖作何人斯王隱公十一年王取

鄆劉蔦為邠之田于鄭而與鄭人蘇忿生之田溫原絺樊

隰邠欒茅向盟州陘墮懷時蘇氏叛王于二邑小莊公

十九年為國邊伯石速詹父子禽祝跪作亂困蘇氏桓

奪蘇十三邑以與鄭秋五大夫奉子頹以伐王不克

出奔溫蘇蘇子季子頹以奔衛衛燕伐周納子頹僖

公十年狄滅溫蘇子無信也蘇子叛王即狄不能於狄

狄人伐之王不救故滅蘇子奔衛文公十年及蘇子

盟于女栗頃王立故也僖十年狄滅溫今成十一年

晉卻至與周爭鄆田王命劉康公單襄公訟諸晉卻至

曰溫吾故也故不敢失言溫卻劉子單子曰昔周克商

使諸侯撫封各撫有其蘇忿生以溫為司寇與檀伯達

封於河謂俱封蘇氏即狄又不能於狄而奔衛襄王勞

文公而賜之溫狐氏陽氏先處之狐溱陽處父而後及

子若治其故則王官之邑也子安得晉侯使卻至勿敢

爭

毛

毛姬姓伯爵文王之後封於毛地在畿內成王時為卿

士與召公芮伯彤伯畢公衛侯同受顧命立康王自此

世為王卿士 文公元年王使毛伯衛來賜公命 九

年毛伯衛來求金 襄王崩求金以共葬事 宣公十五年王孫蘇

與召氏毛氏爭政使王子捷殺召戴公及毛伯衛 昭

公十八年二月乙卯周毛得殺毛伯過 得過之族 而代之萇

弘曰毛得必亡是昆吾稔之日也侈故之以 昆吾夏伯稔熟侈惡

積熟以乙卯日與桀同誅 而毛得以濟侈於王都不亡何待 二十

六年尹氏召伯毛伯以王子朝奔楚 語見劉子

右周召劉單祭凡蘇毛皆王畿內之國世為王卿

士先王之時諸侯之有功德者則入輔王室如成

王時召太保芮伯彤伯畢公衛侯毛公為六卿召

畢毛皆兼三公齊侯呂伋為王虎賁氏後來如衛

鄭二武公亦入為王卿士皆外諸侯也東遷而後

王室微弱號令不能行於畿外春秋之初鄭與號

尚迭為卿士然爭政怨怒至於交質交惡稱兵構

逆王夷師燬而名義蕩然矣其後號為晉所滅鄭

亦不復聽王室之令齊晉迭伯而列國之所為奔

走後先者知有盟主而已王室之政付之畿內食

采邑之小國然溫已叛去其地入於狄與晉凡祭
僅再見於隱桓之間而已後不復聞惟周召劉單
世執王室之政柄云然然其對難為晉視越獲
徐之為國士然年如恐恐至然交實交惡歸兵辭
徐嬴姓子爵出自柏翳國始封於夏歷殷周國在下邳
僮縣今泗州臨淮有徐城武王崩成王幼周公攝政
三監及徐商奄叛周周公討之殺管蔡武庚踐奄踐滅也
寧東土及伯禽封於魯而徐戎淮夷復寇東郊伯禽討
之作費誓穆王西巡守樂而忘歸徐君誕僭稱偃王
行仁義除刑爭四方諸侯爭辯者無所質正咸賓祭於

徐贄玉帛死生之物於徐庭者三十六國得朱弓赤矢
之瑞穆王聞之乃命造父御長驅而歸與楚連謀伐徐
偃王失國走死彭城武原山下宣王時徐方不庭王

命太師皇父程伯休甫總六師以討之僖公三年徐

人取舒舒國亦廬江舒縣勝國而大用大師亦曰取十五年春楚人伐徐

徐卽諸夏故也三月齊侯及諸侯盟于牡邱尋葵邱之
盟且救徐也孟穆伯帥師及諸侯之師救徐諸侯次于

匡以待之冬楚敗徐于婁林徐恃救也特齊救十七

年春齊人爲徐伐英氏以報婁林之役也文公七年

徐伐莒成公七年吳伐巢伐徐楚子重奔命救巢徐

昭公四年楚子會諸侯于申徐子吳出也以為貳焉

故執諸申儀楚徐大夫六年徐儀楚聘於楚楚子執之逃

歸懼其叛也使還洩伐徐吳救徐敗楚師於房鍾十

二年楚子狩於州來次於潁尾使蕩侯潘子司馬督囂

尹午陵尹喜帥師圍徐以懼吳楚子次於乾溪以為之

援徐地十六年齊侯伐徐師至於蒲隧徐人行成徐子

及邾人莒人會齊侯盟於蒲隧賂以甲父之鼎叔孫昭

子曰諸侯之無伯害哉為小國害齊君之無道也與師而伐

遠方會之有成而還莫之亢也亢禦也無伯也夫三十

年吳子伐徐防山以水之防壅山水以灌徐已卯滅徐徐子章

禹斷其髮自刑示懼攜其夫人以逆吳子吳子唁而送之使

其邇臣從之遂奔楚楚沈尹戌帥師救徐弗及遂城夷

使徐子處之夷城父也

先儒林少穎言周自文武興於西土而化行於南

故西夷最先服而東夷之服為最後是以武王牧

野之戰方與商師決勝負於行陣之間而西南夷

之邦所謂庸蜀羌髳微盧彭濮者已皆作使而成

王之即政天下已太平矣東夷之徐奄猶興兵以

叛也愚按徐雖柏翳之後有國已久而俗流於夷

周初一叛於三監流言之時再叛於伯禽撫封之

曰周公魯公僅能定之至穆王稍有荒縱遠狩之失而偃王者遽爾僭號侈然有朝諸侯有天下之意洎厲王無道宣王撥亂之始而繹騷於南國者又徐也然則徐於西周之時蓋常常稱亂於東南及東遷之後徐始微弱而東南之鴟張僭竊北向以爭諸侯者荆楚吳越相繼興矣其後徐益以弱服屬於吳楚之間而卒不得免焉然吳楚倔強於東周衰微之後而徐倔強於西周鼎盛之時則其初本非弱國也

我請盟

隱公二年公會戎于潛修惠公之好也戎請盟公辭

陳留

濟陽縣東南有戎城戎請盟秋盟于唐復修戎好也

七年初戎

朝於周發幣於公卿凡伯弗賓冬王使凡伯聘于魯還

戎伐之于楚邱以歸九年北戎侵鄭鄭伯禦之患戎

師曰彼徒我車懼其侵軼我也公子突曰使勇而無剛

者嘗寇而速去之

突鄭厲公嘗試也勇則能往無剛不耻退

君為三覆以待

之

覆伏兵

者見獲必務進進而遇覆必速奔後者不救則無繼矣

乃可以逞從之戎人之前遇覆者奔祝聃逐之衷戎師

戎前後及中遇三覆皆受敵故曰衷戎師前後擊之盡殪戎師大奔十一月

甲寅鄭人大敗戎師 桓公六年北戎伏齊齊侯使乞師於鄭鄭太子忽帥師救齊六月大敗戎師獲其二帥大良少良甲首三百以獻於齊於是諸侯之大夫戍齊

莊公十八年公追戎于濟西不言其來諱之也戎來魯不知去乃追之

故諱不言其來 二十年齊人伐戎 三十年魯公

及齊侯遇于魯濟謀山戎也以其病燕故也北燕齊人幽薊

伐山戎山戎北狄 三十一年齊侯來獻戎捷穀梁傳曰桓

內無因國外無從諸侯而越千里之險北伐山戎危之

也內無因緣山戎左右之國為內 則非之乎善之也何

善乎爾燕周之分子也召康公之後 貢職不至山戎為

之伐矣 閔公二年虢公敗犬戎於渭汭犬戎西戎別在中國者

僖公二年虢公敗戎於桑田桑田號地在弘農陝縣 十年齊

侯許男伐北戎 十一年揚拒泉臯伊維之戎同伐京

師入王城焚東門揚拒泉臯皆戎邑及諸雜居伊水洛水之間者今伊闕北有泉亭

子帶召之也子帶召戎欲 秦晉伐戎以救周秋晉侯平

戎於王 十二年王以戎難故討王子帶王子帶奔齊

平冬齊侯使管夷吾平戎於王使隰朋平戎於晉平和也前

年晉救周伐戎故 十三年為戎難故諸侯戍周齊仲

孫湫致之 十六年王以戎難告於齊齊徵諸侯而戍

周 二十二年初平王之東遷也辛有適伊川見被髮

而祭於野者曰不及百年此其戎乎其禮先亡矣秋秦

晉遷陸渾之戎於伊川允姓之戎居陸渾在秦晉西北

為陸渾縣也三十三年晉及姜戎敗秦師于殽地暴鄭文公八

年魯公子遂會伊雜之戎盟于暴地暴鄭十六年楚大

饑戎伐其西南至於阜山師於大林又伐其東南至於

陽邱以侵訾枚戎山夷也大林陽邱訾枚皆楚邑也十七年周甘歆敗

戎於邠垂乘其飲酒也歆周大夫邠垂周地宣公三

年楚子伐陸渾之戎遂至於雜觀兵於周疆定王使王

孫滿勞楚子成公元年晉侯使瑕嘉平戎於王平文十七

年邠垂單襄公如晉拜成劉康公徼戎將遂伐之欲要其無

備叔服曰背盟而欺大國此必敗背盟不祥欺大國不

義將何以勝不聽遂伐茅戎三月癸未敗績於徐吾氏

徐吾氏茅戎之別也六年晉伯宗夏陽說衛孫良夫甯相鄭人

伊雜之戎陸渾蠻氏侵宋蠻氏戎別種也河南新城縣東南有蠻城以其辭

會也前年宋辭襄公四年無終子嘉父使孟樂如晉

無終山戎國名因魏莊子納虎豹之皮以請和諸戎莊

魏晉侯曰戎狄無親而貪不如伐之魏絳曰諸侯新服

陳新來和將觀於我我德則睦否則攜貳勞師於戎而

楚伐陳必不能救是棄陳也諸華必叛戎禽獸也獲戎

失華無乃不可乎和戎有五利焉戎狄荐居貴貨易土

土可賈焉一也邊鄙不聳民狎其野穡人成功二也戎

狄事晉四鄰震動諸侯威懷三也以德綏戎師徒不勤

甲兵不頓頓壞也四也鑒於后羿而用德度遠至邇安五

也君其圖之公說使魏絳盟諸戎修民事田以時五

年王使王叔陳生愬戎于晉戎陵醜周室故晉人執之

士魴如京師言王叔之貳於戎也王叔反有貳心於戎

之失奉使之義故晉執十四年晉及諸侯會于向將執戎子駒支范宣子

親數諸朝亦設朝位曰來姜戎氏昔秦人迫逐乃祖吾

離於瓜州四嶽之後皆姓姜又別為允姓乃祖吾離被

苦蓋蒙荆棘以來歸我先君蓋苦之別我先君惠公有

不腆之田腆厚也與女剖分而食之中公為剖今諸侯之事我

寡君不如昔者蓋言語漏泄則職女之由職主也詰朝之

事爾無與焉詰朝明旦不使復得與會事也與將執女對曰昔秦人負

恃其衆貪於土地逐我諸戎惠公蠲其大德蠲明也謂我

諸戎是四嶽之裔胄也四嶽堯時方伯姜姓也裔遠也胄後也毋是翦棄

也翦削也賜我南鄙之田狐狸豺狼所居豺狼所嗥我諸戎除翦

其荆棘驅其狐狸豺狼以為先君不侵不叛之臣至於

今不貳不內侵亦不外叛昔文公與秦伐鄭秦人竊與鄭盟而

舍戍焉在僖三十年於是乎有殺之師在僖三十年晉禦其上戎

亢其下亢猶當也秦師不復我諸戎實然譬如捕鹿晉人角

之諸戎犄之犄其足也與晉路之路僵也路蒲北反又敷豆反戎何

以不免自是以來晉之百役與我諸戎相繼於時言給

不曠意常如殺無中二也豈敢離邊今官之

師旅無乃實有所闕以攜諸侯而罪我諸戎我諸戎飲

食衣服不與華同贄幣不通言語不達何惡之能為不

與於會亦無膏焉膏悶也賦青蠅而退青蠅詩小雅取其愷悌君子無信讓

言宣子辭焉使即事於會成愷悌也成愷悌不信讓也

不肯特達昭公九年周甘人與晉閻嘉爭閻田甘人甘大夫襄也閻

嘉晉閻縣大夫晉梁丙張趯率陰戎伐潁陰戎陸渾之戎潁周邑王使詹

桓伯辭於晉辭責讓之桓伯周大夫曰我自夏以后稷魏駘芮岐

畢吾西土也在夏世以后稷功受此五國為西土之長駘在始平武功縣所治釐城岐在扶風美

及武王克商蒲姑商奄吾東土也樂安博昌縣巴西北有蒲姑城

濮楚鄧吾南土也肅慎燕亳吾北土也肅慎北夷在元菟北計三千餘

里吾何邇封之有也邇近文武成康之建母弟以蕃屏周

亦其廢墜是為為後世廢墜兄弟豈如弁髦而因以敝

之童子垂髦始冠必三加冠成禮而棄其始冠故言弁髦因以敝之先王居檇杙於四

裔以禦魍魎言檇杙略舉四凶之一下故允姓之姦居

於瓜州允姓陰戎之祖與三苗俱放三危者瓜州今燉煌伯父惠公歸自秦而

誘以來僖十五年晉惠公自秦歸二十二年秦晉遷陸渾之戎於伊川使偪我諸姬入

我郊甸則戎焉取之邑外為郊郊外為甸言戎取周郊甸之地戎有中國誰

乾隆十二年校刊

之咎也咎在后稷封殖天下今戎制之不亦難乎后稷

疆埴五穀今戎伯父圖之我在伯父猶衣服之有冠冕

木水之有本源民人之有謀主也民人謀主宗伯父若

裂冠毀冕拔本塞源專棄謀主雖戎狄其何有余一人

伯父猶然則雖戎狄無所可叔向謂宣子曰文之伯也

豈能改物晉文公雖霸未能翼戴天子而加之以共翼

也自文以來世有衰德而暴滅宗周天子以宣示其侈

諸侯之貳不亦宜乎且王辭直子其圖之宣子說王有

姻喪外親使趙成如周弔且致閭田與禭禭送反穎俘

王亦使賔滑執甘大夫襄以說於晉晉人禮而歸之賔

周大音十六年楚子聞蠻氏之亂也與蠻子之無質也

質信使然丹誘戎蠻子嘉殺之遂取蠻氏既而復立其

子禮也河南新城縣十七年晉侯使屠蒯如周請有

事於雒及三塗屠蒯晉之膳宰以忠諫見進雒萇弘謂

劉子曰客容猛非祭也其伐戎乎陸渾氏甚睦於楚必

是故也君其備之乃警戎備警戎以備戎九月丁卯晉

荀吳帥師涉自棘津使祭史先用牲於雒陸渾人弗知

師從之庚午遂滅陸渾數之以其貳於楚也陸渾子奔

楚其衆奔甘鹿甘鹿周大獲先獲戎范宣子夢文公攜

荀吳而授之陸渾故使穆子帥師獻俘於文宮哀公

乾隆十二年校刊

四年夏楚人既克夷虎夷虎蠻夷乃謀北方左司馬取

申公壽餘葉公諸梁致蔡於負函三子楚大夫也此蔡

為邑致之者致方城之外於繒關負函繒關曰吳將沂

江入郢逆流將奔命焉為一昔之期襲梁及霍偽辭當

結期明日便襲梁霍使不知之梁河南梁縣單浮餘圍

蠻氏蠻氏潰浮餘楚大夫蠻子赤奔晉陰地陰地河南

至陸渾司馬起豐析與狄戎楚司馬馭也析縣屬南鄉

此二邑人以臨上雒左師軍於蒐和蒐和山在上雒右

師軍於蒼野蒼野在使謂陰地之命大夫士蔑命大夫

尹曰晉楚有盟好惡同之若將不廢寡君之願也不然

將通於少習以聽命少習商縣武關也將士蔑請於趙

孟趙孟曰晉國未寧安能惡於楚必速與之未寧自范

士蔑乃致九州之戎九州戎在陰將裂田以與蠻子而

城之以許且將為之卜卜蠻子聽卜遂執之與其五大

夫以畀楚師於三戶今丹水縣司馬致邑立宗焉以誘

其遺民楚復詐為蠻子而盡俘以歸

狄

莊公三十一年狄伐邢 閔公元年狄人伐邢管敬仲

言於齊侯曰戎狄豺狼不可厭也諸夏親暱不可棄也

宴安酖毒不可懷也詩云豈不懷歸畏此簡書同惡相

恤之謂也請救邢以從簡書齊人救邢

二年冬狄人伐衛衛及狄戰於榮澤衛師敗績遂滅衛

人囚史華龍滑與禮孔以逐衛人二人曰我太史也實

掌其祭不先國不可得也

告守者曰不可待也

夜與國人出狄入衛遂從之又敗諸河

有三十人益之以共勝之民為五千人

以廬於曹

子申生伐東山臯落氏

僖公元年春諸

此榮澤當狄在河北

夷狄畏鬼神言當先白神

守者石祁子甯莊子公與之決與矢令守而自禦狄戰敗君死而衆

衛將東走渡河狄復逐而

夜渡

共勝衛

曹衛下邑戴公名申其年卒文公燬立

赤狄別種也臯落其氏族

侯救邢邢潰出奔師師遂逐狄人具邢器用而遷之師

無私焉

狄於采桑

里克曰懼之而已無速衆狄

報號射日期年狄必至示之弱矣夏狄伐晉報采桑之

役也復期月

叛王即狄又不能於狄狄人伐之王不救故滅蘇子奔

衛

汾及昆都因晉敗也

十八年邢人狄人伐衛圍菟圃

二十一

乾隆十二年校刊

封建五

三

年狄侵衛

為邢故

二十四年鄭伐滑王使伯服游孫伯

如鄭請滑鄭伯怨王不聽命而執二子王怒將以狄伐

鄭富辰諫不聽使頹叔桃子出狄師夏狄伐鄭取櫟王

德狄人將以其女為后富辰諫曰不可臣聞之曰報者

倦矣施者未厭狄固貪恠王又啓之女德無極婦怨無

終狄必為患王弗聽初甘昭公有寵於惠后惠后將立

之未及而卒昭公奔齊王復之又通於隗氏王替隗氏

頹叔桃子曰我實使狄狄其怨我遂奉太叔以狄師攻

王王御士將禦之王曰先后其謂我何寧使諸侯圖之

王遂出及坎欲國人納之 秋頹叔桃子奉太叔以狄

師伐周大敗周師王出適鄭處於汜太叔以隗氏居於

温眾也廿五年晉侯納王殺太叔於 二十八年晉侯作

三行以禦狄荀林父將中行屠擊將右行先蔑將左行

晉置土中下三軍今復增置 三十年晉人侵鄭狄間

晉之有鄭虞也夏狄侵齊晉三十一年晉蒐于清源作

五軍以禦狄 二十八年作三行今 冬狄圍衛衛遷于

帝邱晉三十二年夏狄有亂衛人侵狄狄請平焉秋衛

人及狄盟 三十三年 狄侵齊因晉喪也 晉文公薨 狄伐

晉及箕晉侯敗狄于箕卻缺獲白狄子 白狄狄別種也

胡先軫死於狄師 文公七年 狄侵魯西鄙公使告於

乾隆十二年校刊 封建五

晉趙宣子使因賈季問酈舒且讓之酈舒狄相讓其伐魯時賈季奔狄故

就使讓之其九年狄侵齊其十年狄侵宋十三年狄侵衛

人宣公三年赤狄侵齊四年赤狄侵齊六年秋赤

狄伐晉圍懷及邢邱邢邱今河內平臯縣晉侯欲伐之中行桓子

曰使疾其民為民所疾以盈其貫將可殪也周書曰殪戎殷

此之謂也其七年赤狄侵晉取向陰之禾八年白狄

及晉平會晉伐秦十一年晉郤成子求成於眾狄眾

狄疾赤狄之役遂服於晉赤狄潞氏最强故服役眾狄秋會于欒

豳眾狄服也是行也諸大夫欲召狄郤成子曰吾聞之

非德莫如勤非勤何以求於人能勤有繼其從之也勤則

功繼詩曰文王既勤止文王猶勤况寡德乎十三年

赤狄伐晉及清先穀召之也邲戰不得志故召狄欲為變晉人討先

穀殺之十五年潞子嬰兒之夫人晉景公之姊也酈

舒為政而殺之又傷潞子之目酈舒潞相晉侯將伐之諸大

夫皆曰不可酈舒有三雋才雋絕異也言有不如待後

之人伯宗曰必伐之狄有五罪雋才雖多何補焉不祀

一也嗜酒二也棄仲章而奪黎氏地三也仲章潞賢人也黎氏黎侯

之國上黨壺關縣有黎亭虐我伯姬四也傷其君目五也怙其雋才

而不以茂德茲益罪也後之人或者欲敬奉德義以事

神人而申固其命若之何待之不討有罪日將待後後

有辭而討焉母乃不可乎夫恃才與眾亡之道也商紂

由之故滅由用也天反時為災寒暑易節地反物為妖羣物失性民

反德為亂亂則妖災生故文反正為乏盡在狄矣晉侯

從之六月癸卯晉荀林父敗赤狄於曲梁辛亥滅潞曲梁

今廣平曲梁縣也書癸卯從赴鄆舒奔衛衛人歸諸晉晉人殺之公羊

傳潞何以稱子潞子之為善也躬足以亡爾雖然君子

不可不記也離於夷狄疾夷狄之俗而去離之故稱子而未能合乎中

國未能與中國合同禮義相親比也故猶繫赤狄立黎侯而還狄奪其地故晉復立之晉

侯賞桓子狄臣季室季亦賞士伯以瓜行之縣曰吾獲

狄土子之功也微子吾喪伯氏矣邲之敗晉侯將殺桓子士伯請而逸之

使趙同獻狄俘於周十六年晉士會帥師滅赤狄甲

氏及留吁鐸辰甲氏留吁赤狄別種晉既滅潞氏今又盡并其餘黨獻狄俘於王

成公三年晉卻克衛孫良夫伐齊咎如討赤狄之餘

焉晉滅赤狄潞氏其餘黨散入齊咎如齊咎如潰上失民也十九年秦人

白狄伐晉諸侯貳故也十二年狄人間宋之盟以侵

晉而不設備秋晉人敗狄於交剛襄公十八年白狄

始來白狄狄之別名未嘗與魯接故曰始來不能行朝禮故不曰朝二十八年白狄

朝于晉昭公元年晉中行穆子敗無終及羣狄於太

原即大鹵也無終山戎崇卒也崇聚也將戰魏舒曰彼徒我車所遇

又阬地險不便車以什共車必克更增十人當一車之用困諸阬又克

乾隆十二年校刊

封建五

三五

車每困於阨道今請皆卒去車為自我始乃毀車以為

去車故為必克乘車者車三人五乘十五人今改行五乘為三位去車更以五人為伍分為三伍荀吳

之嬖人不肯即卒斬以徇魏舒輒斬之荀吳不恨所以能立功為五陳以

相離兩於前伍於後專為右角參為左角偏為前拒皆

時處置以誘之翟人笑之笑其失常未陳而薄之大敗之

十二年晉荀吳偽會齊侯者假道於鮮虞遂入昔陽鮮

白狄別種在中山新市縣昔陽秋八月壬午滅肥以肥

肥國都樂平治縣東有昔陽城子綿臯歸肥白狄也綿臯其君名鉅晉伐鮮虞因肥之

役也留十二年鮮虞人聞晉師之悉起也平即盟甲而

不警邊且不修備晉荀吳自著雍以上軍侵鮮虞及中

人驅衝競中山望都縣西北有中大獲而歸十五年

晉荀吳帥師伐鮮虞圍鼓鼓白狄之別鉅鹿鼓人或請

以城叛穆子弗許左右曰師徒不勤而可以獲城何故

不為穆子曰吾聞諸叔向日好惡不愆民知所適事無

不濟或以吾城叛吾所甚惡也人以城來吾獨何好焉

賞所甚惡若所好何無以復若其弗賞是失信也何以

庇民力能則進否則退量力而行吾不可以欲城而邇

姦所喪滋多使鼓人殺叛人而繕守備圍鼓三月鼓人

或請降使其民見曰猶有食色姑修而城軍吏曰獲城

而弗取勤民而頓兵何以事君穆子曰吾以事君也獲

而弗取勤民而頓兵何以事君穆子曰吾以事君也獲

一邑而教民怠將焉用邑邑以賈怠不如完舊賈音賈

怠無卒也卒終也棄怠不祥鼓人能事其君我亦能事吾君

率義不爽好惡不愆城可獲而民知義所知義所在也荀吳必其能

獲故因有死命而無二心不亦可乎鼓人告食竭力盡

而後取之克鼓而反不戮一人以鼓子鷩鞮歸也二十

二年晉之取鼓也既獻而反鼓子焉又叛於鮮虞叛晉屬鮮

虞六月荀吳略東陽略行也東陽晉之小東邑也使師偽糴者負甲

以息於昔陽之門外昔陽故肥子所都遂襲鼓滅之以鼓子鷩

鞮歸使涉陀守之守鼓之地也中行伯既克鼓以鼓子苑

支來苑支鼓子鷩鞮也穆子既克鼓以鷩鞮歸既獻而反之其後又叛魯昭二十三年荀吳襲鼓滅之以

戴鞮歸使涉陀守之令鼓人各復其所非僚勿從也僚官鼓子之臣

曰夙沙釐以其孥行釐將妻子也軍使執之辭曰我君是

事非事土也名曰君臣豈曰土臣今君實遷也徒臣何賴

於鼓也賴利也穆子召之曰鼓有君矣君謂涉陀爾心事君吾定

而祿爵而女也對曰臣委質於狄之鼓未委質於晉之

鼓也質贊也土贊以臣聞之委質為臣無有二心委質

而策死古之法也言委贊於君書名君有烈名臣無叛

質敢即私利以煩司寇而亂舊法其若不虞何即就也

若就私利是謂叛君叛君有罪故煩司寇舊法策死之法若臣皆如是將有不意度而至之患者晉其如之何

也穆子歎而謂其左右曰吾何德之務而有是臣也吾當

修務何德而得既獻功也乃使行既獻言於公言釐之賢於公公昭公之

若此之臣也疾也與鼓子田於河陰河陰晉河南之田使君而田也使夙沙釐相之

定公三年鮮虞入晉師於平中平中晉地獲晉觀虎恃其

勇也五年晉士鞅圍鮮虞報觀虎之役也哀公六

年晉趙鞅伐鮮虞治范氏之亂也四年鮮虞納荀吳於桓人

而項氏曰大抵桓文皆畏狄而不問者齊桓之世狄

伐邢齊以微者救之而不能却狄入衛齊強鄭使

赴之而棄其師城夷儀而遷邢城楚邱而遷衛皆

以避狄也桓公召陵服楚首止定王室五年間狄

為少止八年僖狄始伐晉以威齊也十年狄滅温

温王畿也温子奔衛狄侵衛以討之其後宋伐齊

而狄反救之矣晉文之世其初僖二十狄伐鄭遂

天王也其後也晉文公狄侵齊以嘗晉也狄圍衛衛

遷於帝邱狄再逐衛也衛侵狄而與狄盟晉不能

討故衛自報之而自與之平也亦見晉伯之不終

矣自是文公且卒狄再侵齊而公亦終身不討狄

矣晉文既縱狄又復導秦故晉之子孫世有秦狄

之禍其後狄常與中國爭衡而秦遂伐周亦秦將

興而天遣楚以牽制齊晉於南方而不暇北顧與

按戎之種類不一其在西方者曰犬戎最强盛攻

殺幽王於驪山下取周之地居涇渭之間周於是
東遷以其地界秦秦攻戎却之而取周之故地入
春秋時虢公敗犬戎於渭汭則其遺種之在中國
者也其在北方者曰山戎亦曰北戎侵鄭侵齊病
焉者是也其在南方者曰徐戎居淮泗之間公會
戎於潛追戎於濟西者是也其在伊雒之間者曰
姜戎亦曰陸渾之戎本三苗之裔出自太岳世居
瓜州燉煌僖公二十二年秦晉遷其族於伊川自是
世服屬於晉戎子支駒之屬是也其姓氏史所不
載惟姜戎姜姓驪戎姬姓犬戎亦姬姓小戎子姓

僅可考而他則未詳狄之種亦不一有赤狄有白
狄曰臯落氏曰潞曰甲氏留吁皆赤狄之類也曰
鼓曰鮮虞曰肥皆白狄之類也其姓曰隗氏而潞
爲潞氏餘未之詳然戎狄與春秋相爲始終而齊
晉之伯也亦必先能制戎狄而後可以爲盟主齊
桓之時戎病周病燕狄伐邢伐衛俱爲齊所攘却
不得以逞夫子所以有微管仲之言也至晉都冀
北則立國於戎狄之間祝駝所謂疆以戎索籍談
所謂晉居深山戎狄之與鄰故其所以待戎狄者
尤不容以無策自獻惠文襄以來其規模之大槩

可見戎易服故懷之德如遷姜戎分以南鄙之田
世修其職及命魏絳和諸戎是也狄難服故威之
以刑如作三行作新軍皆以禦狄後來至於滅潞
滅鼓滅肥范宣子言吾先君之亟戰也有故秦狄
齊楚皆強不盡力子孫將弱以狄儕之秦齊楚其
強可知古稱西戎北狄今考春秋之時戎散居於
四方惟狄獨倔強於北散居故其勢易弱聚在一
方并力倔強故其慄悍飄忽之勢雖誅鋤之未易
帖服兩漢以來匈奴常盛於羌戎蓋有由來矣
文獻通考卷第二百六十四

文獻通考卷第二百六十五

鄱 陽 馬 端 臨 貴 與 著
封建考六

秦楚之際諸侯王

秦制爵二十等以賞功二十徹侯

得臣其所食吏民後避漢武十九關內侯
帝諱乃改曰通侯或曰列侯
邑時六國未平將帥皆家關中故以為號劉昭曰關內
侯無土寄食在所縣民租多少各有戶數為限如淳釋
曰列侯出關就國但爵其身有家累者與之關內之邑
食其租稅又有倫侯建侯趙亥武信侯馮無擇是也
但無封名
而無食邑

十八大庶長
劉昭曰自左庶長以上至大庶
長者將軍也所將庶人更卒故

